

四庫全書

集部

欽定四庫全書

集部  
御定全唐詩卷四百  
四十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陳墉

謄錄監生臣彭良歲

欽定四庫全書

御定全唐詩卷四百四十

白居易

江南謫居十韻

自哂沈冥客曾為獻納臣壯心徒許國薄命不如人纔  
展凌雲翅俄成失水鱗蔡枯猶向日蓬斷一作欲辭春

澤畔長愁地天邊欲老身蕭條殘活計冷落舊交親草  
合門無徑烟銷甑有塵憂方知酒聖貧始覺錢神虎尾

難容足羊腸易覆輪行藏與通塞一切任陶鈞

江樓夜吟元九律詩成三十韻

昨夜江樓上吟君數十篇詞飄朱檻底韻墮淥江前清  
楚音諧律精微思入玄收將白雪麗奪盡碧雲妍寸截  
金為句雙雕玉作聯八風淒間發五彩爛相宣冰扣聲  
聲冷珠排字字圓文頭交比繡筋骨軟如綿瀕湧同波  
浪錚鏦過管弦醴泉流出地鈞樂下從天神鬼聞如泣  
魚龍聽似禪星迴疑聚集

一作散

月落為留連鴈感無鳴

者援愁亦悄然交流遷客淚停住賈人船聞被歌姬乞

潛聞思婦傳斜行題粉壁短卷寫紅箋肉味經時忘頭

風當日痊老張知定伏短李愛應顛

張十八籍李二十  
紳皆攻律詩故云

道屈才方振身閒業始專天教聲烜赫理合命途遭顧

我文章劣知他氣力全工夫雖共到巧拙尚相懸各有

詩千首俱拋海一邊白頭吟處變青眼望中穿酬答朝

妨食披尋夜廢眠老償文債負宿結字因緣每歎陳夫

子

陳子昂著感  
遇詩稱于世

常嗟李謫仙

賀知章謂李  
白為謫仙人

名高折人爵

思苦減天年

李竟無官  
陳亦早夭

不得當時遇空令後代憐相悲

今若此溘浦與通川

潯陽歲晚寄元八郎中庾三十二員外

閱水年将暮燒金道未成丹砂不肯死白髮自一作湏

生病肺慚杯滿衰顏忌鏡明春深舊鄉夢歲晚故交情

一別浮雲散雙瞻列宿榮鑄頭階下立龍尾道前行封

事頻聞奏除書數見名虛懷事僚友平步取公卿漏盡

雞人報朝迴幼女

一作  
女使

迎可憐白司馬老人在溘城

元九以綠絲布白輕裕一作容見寄製成衣服以

詩報知

綠絲文布素輕裕一作容珍重京華手自封貧友遠勞君

寄附病妻親為我裁縫袴花白似秋雲薄衫色青於春  
草濃欲著却休知不稱折腰無復舊形容

清明日送韋侍御一作郎貶虔州

寂寞清明日蕭條司馬家留錫和冷粥出火煮新茶欲  
別能無酒相留亦有花南遷更何處此地已天涯

九江春望

淼茫積水非吾土，飄泊浮萍自我身。  
身外信緣為活計，眼前隨事覓交親。  
鑪烟豈異終南色，溼草寧殊渭北春。

此地何妨便終老，譬

一作匹

如元是九江人

香鑪峯上多烟溼水岸邊

足草因而記之

晚題東林寺雙池

向晚雙池好，初晴百物新。  
裊枝翻翠羽，濺水躍紅鱗。  
萍汎同遊子，蓮開當麗人。  
臨流一惆悵，還憶曲江春。



贈內子

白髮長興歎青娥亦伴愁  
寒衣補燈下小女戲牀頭  
閣澹屏幃故淒涼枕席秋  
貧中有等級猶勝嫁黔婁

送客春遊嶺南二十韻

因叙嶺南方物以諭之  
并擬微之送崔二十二

之作

已訝遊何遠仍嗟別太頻  
離容君感促贈語我殷勤  
迢遞天南面蒼茫海北湄  
訶陵國分界交趾郡為鄰  
蒨鬱三光晦溫暾四氣勻  
陰晴變寒暑昏曉錯星辰  
瘴地難

為老蠻陬不易馴土民稀白首洞主畫黃巾戰艦猶驚

浪戎車未息塵

時黃家賊方動

紅旗圍丹服紫綬裹文身麪苦

枕椰裹

一作製

漿酸椒攬新牙檣迎海舶銅鼓賽江神不

凍貪泉暖無霜毒草春雲烟蟒虵氣刀劍鰐魚鱗路足

羈棲客官多謫逐臣天黃生颯母

颯母如斷虹欲大風即見

雨黑長

楓人

楓人因夜雷雨輒聞長數丈

迴使先傳語征軒早返輪須防杯

裏蠱

南方蠱毒多置酒中

莫愛橐中珍壯與南殊俗身將貨孰親

嘗聞君子誠憂道不憂貧

自題

功名宿昔人多許，寵辱斯須自不知。  
一旦失恩先左降，三年隨例未量移。  
馬頭覓角生何日，石火敲光住幾時。  
前事是身俱若此，空門不去欲何之。

自悲

火宅煎熬地，霜松摧折身。  
因知羣動內，易死不過人。

尋郭道士不遇

郡中乞假來相訪，洞裏朝元去不逢。  
看院祇留雙白鶴，

入門惟見一青松  
藥爐有火丹應伏  
雲碓無人水自春

廬山中雲母多故以水碓  
搗鍊俗呼為雲碓

欲問參同契  
中事更期何日得

從容

一作未知何日得相從

潯陽春三首

元和十二年作

春生

春生何處閭周遊  
海角天涯徧始休  
先遣和風報消息  
續教啼鳥說來由  
展張草色長河畔  
點綴花房小樹頭  
若到故園應覓我  
為傳淪落在江州

春來

春來觸動故鄉情  
忽見風光憶兩京  
金谷蹋花香騎入  
曲江碾草鈿車行  
誰家綠酒歡連夜  
何處紅樓睡失明  
獨有不眠不醉客  
經春冷坐古湓城

春去

一從澤畔為遷客  
兩度江頭送暮春  
白髮更添今日鬢  
青衫不改去年身  
百川未有迴流水  
一老終無却少人  
四十六時三月盡  
送春爭得不殷勤

夢微之

十二年八月二十日夜

晨起臨風一惆悵通川湓水斷相聞不知憶我因何事

昨夜三迴

一作更

夢見君

贈韋鍊師

潯陽遷客為居士身似浮雲心似灰上界女仙無嗜好  
何因相顧兩裴回共疑過去人間世曾作誰家夫婦來

問劉十九

綠螘新醅酒紅泥小火爐晚來天欲雪能飲一杯無

得行簡書聞欲下峽先以詩寄

朝來又得東川信  
欲取春初發梓州  
書報九江聞暫喜  
路經三峽想還愁  
瀟湘瘴霧加餐飯  
濫灑驚波穩泊舟  
欲寄兩行迎爾淚  
長江不肯向西流

南湖早春

風迴雲斷雨初晴  
返照湖邊暖復明  
亂點碎紅山杏發  
平鋪新綠水蘋生  
翅低白鴈飛仍重  
舌澀黃鸝語未成  
不道江南春不好  
年年衰病減心情

元十八從事南海欲出廬山臨別舊居有戀泉  
聲之什因以投和兼伸別情

賢侯辟士禮從容莫聽泉聲問所從  
雨露初承黃紙詔  
烟霞欲別紫霄峯傷弓未息新驚鳥  
得水難留久卧龍  
我正退藏君變化一杯可易得相逢

題韋家泉池

泉落青山出白雲  
縈村繞郭幾家分  
自從引作池中水  
深淺方圓一任君



醉中對紅葉

臨風抄秋樹對酒長年人醉貌如霜葉雖紅不是春

遣懷

義和走馭趨年光不許人間日月長遂使四時都似電  
爭教兩鬢不成霜榮銷枯去無非命壯盡衰來亦是常  
已共身心要約定窮通生死不驚忙

點額魚

龍門點額意何如紅尾青鬢却返初見說在天行兩苦

為龍未必勝為魚

聞龜兒詠詩

憐渠已解詠詩章  
搖膝支頤學二郎  
莫學二郎吟太苦  
纔年四十髻如霜

對酒

未濟卦中休卜命  
參同契裏莫勞心  
無如飲此銷愁物  
一餉愁銷直萬金

東牆夜合樹去秋為風雨所摧  
今年花時悵然

有感

碧莢紅縷今何在  
風雨飄將去不回  
惆悵去年牆下地  
今春惟有薺花開

病起

病不出門無限時  
今朝強出與誰期  
經年不上江樓醉  
勞動春風颺酒旗

夢亡友劉太白同遊彰

章一作

敬寺

三千里外卧江州  
十五年前哭老劉  
昨夜夢中彰敬寺

死生魂魄暫同遊

與果上人歿時題此訣別兼簡二林僧社

本一作願結菩提香火社為嫌煩惱電泡身不須惆悵從

師去先請西方作主人

贈寫真者

子騁丹青日予當醜老時無勞役神思更畫病容儀迨  
遞麒麟閣圖功未有期區區尺素上焉用寫真為

劉十九同宿

時淮寇  
初破

紅旗破賊非吾事黃紙除書無一作非我名唯共嵩陽劉

處士圍碁賭酒到天明

十二年冬江西溫暖喜元八寄金石稜一作到

因題此詩

今冬臘候不嚴凝暖霧溫風氣上騰山脚崦中纔有雪  
江流慢處亦無冰欲將何藥防春瘴只有元家金石稜

一作凌

閒意

不爭榮耀任沈淪日與時疎共道親  
北省朋僚音信斷東林長老往還頻  
病停夜食閒如社慵擁朝裘暖似春  
漸老漸諳閒氣味終身不擬作忙人

送友人上峽赴東川辟命

見說瞿唐峽斜銜一作橫灩澦根難於尋鳥路一作道險過

上龍門羊角風頭急桃花水色渾山迴若鼇轉舟入似  
鯨吞岸巖一作巖合愁天斷波跳恐地翻憐君經此去為感

主人恩

夜送孟司功

潯陽白司馬夜送孟功曹江閣管弦急樓明燈火高湖  
波翻似箭霜草殺如刀且莫開征櫂陰風正怒號

衰病

老辭遊冶尋花伴病別荒狂舊酒徒更恐五年三歲後  
此此譚笑亦應無

題詩屏風絕句 并序

十二年冬微之猶滯通州予亦未離湓上相去萬

里不見三年鬱鬱相念多以吟詠自解前後辱微  
之寄示之什殆數百篇雖藏于篋中永以為好不  
若置之座右如見所思繇是掇律句中短小麗絕  
者凡一百首題錄合為一屏風舉目會心忝若其  
人在於前矣前輩作事多出偶然則安知此屏不  
為好事者所傳異日作九江一故事爾因題絕句  
聊以獎之

相憶采君詩作障自書自勸不辭勞障成定被人爭寫



從此南中紙價高

答微之

微之于閬州西寺手題予詩予又以微之百篇題此屏上各以絕句相報答之

君寫我詩盈寺壁我題君句滿屏風  
與君相遇知何處  
兩葉浮萍大海中

偶宴有懷

遇興尋文客因歡命酒徒  
春遊憶親故夜會似京都  
詩思閒仍在鄉愁醉暫無  
狂來欲起舞慙見白髭鬚

山中酬江州崔使君見寄

眷眄情無限優容禮有餘三年為郡吏一半許山居酒  
熱心相待詩來手自書庾樓春好醉明月一作日且回車

山枇杷

深山老去惜年華况對東谿野枇杷火樹風來翻絳猷  
瓊枝日出曬紅紗回看桃李都無色映得芙蓉不是花  
爭奈結根深石底無因移得到人家

聞李尚書拜相因以長句寄賀微之

憐君不久在通川知已新提造化權夔高定求才濟世

張雷應辨氣衝天那知淪落天涯日正是陶鈞海內年  
肯向泥中拋折劍不收重鑄作龍泉

歲暮

窮陰急景坐相催壯齒韶顏去不回舊病重因年老發  
新愁多是夜長來膏明自熬緣多事雁默先烹為不才  
禍福細尋無會處不如且進手中杯

雨中赴劉十九二林之期及到寺劉已先去因

以四韻寄之

雲中臺殿泥中路既阻同遊嬾却還將謂獨愁猶對雨  
不知多興已尋山纔應行到千峯裏只校來遲半日間  
最惜杜鵑花爛熳春風吹盡不同攀

薔薇正開春酒初熟因招劉十九張大夫崔二

十四同飲

甕頭竹葉經春熟階底薔薇入夏開似火淺深紅壓架  
如錫氣味綠黏臺試將詩句相招去倘有風情或可來  
明日早花應更好心期同醉卯時杯

李白墓

采石江邊李白墳  
遠田無限草連雲  
可憐荒壠窮泉谷  
曾有驚天動地文  
但是詩人多薄命  
就中淪落不過君

對酒

漫把參同契難燒  
伏火砂有時成白首  
無處問黃芽  
幻世如泡影浮生  
抵眼花惟將綠醕酒  
且替紫河車

戲答諸少年

顧我長年頭似雪  
饒君壯歲氣如雲  
朱顏今日雖欺我

白髮他時不放君

風雨晚

一作泊

苦竹林邊蘆葦叢  
傳舟一望思無窮  
青苔撲地連春作  
香雨白浪掀天盡  
日風忽忽百年行  
欲半茫茫萬事坐  
成空此生飄蕩何時定  
一縷鴻毛天地中

題崔使君新樓

憂人何處可銷憂  
碧甕紅欄溢水頭  
從此潯陽風月夜  
崔公樓替庾公樓

山中戲問韋侍御

一作郎

我抱棲雲志君懷濟世才常吟反招隱那得入山來

贈曇禪師

夢中作

五年不入慈恩寺今日尋師始一來欲知火宅焚燒苦  
方寸如今化作灰

寄微之

帝城行樂日紛紛天畔窮愁我與君秦女笑歌春不見  
巴猿啼哭夜常聞何處琵琶弦似語誰家高墮髻如雲

人生多少歡娛事那得千分無一分

醉吟二首

空王百法學未得姪女丹砂燒即飛事事無成身老也

一作也老醉鄉不去欲何歸

兩鬢千莖新似雪十分一醜欲如泥酒狂又引詩魔發  
日午悲吟到日西

曉寢

轉枕重安寢回頭一欠伸紙窗明覺曉布被暖知春莫



強踈慵性須安老大身雞鳴一覺一作猶獨睡不博早朝人

荅元八郎中揚十二博士

身覺一作學

浮雲無所著心同止水有何情但知瀟灑踈

朝市不要崎嶇隱姓名盡日觀魚臨澗坐有時隨鹿上山行誰能拋得人間事來共騰騰過此生

湖亭與行簡宿

潯陽少有風情客招宿湖亭盡却回水檻虛涼風月好

夜深誰一作惟

共阿憐來

八月十五日夜湓亭望月

昔年八月十五夜曲江池畔杏園

一作林

邊今年八月十

五夜湓浦沙頭水館前  
西北望鄉何處是東南  
見月幾迴圓  
臨風一歎無人會  
今夜清光似往年

贈江客

江柳影寒新雨地  
塞鴻聲急欲霜天  
愁君獨向一作自沙

頭宿水

岸一作

遠蘆花月滿船

殘暑招客

雲截山腰斷風驅兩脚迴  
早陰江上散殘熱日中來却  
取生衣著重拈竹一作筆  
開誰能淘晚熱閒飲兩三杯

潯陽秋懷贈許明府

霜紅二林葉風白九江波  
暝色投煙鳥秋聲帶雨荷  
馬閒無處出門冷少人過  
鹵莽還鄉夢依稀望闕歌  
共思除醉外無計奈愁何  
試問陶家酒新篘得幾多

九日醉吟

有恨頭還白無情菊自黃  
一為州司馬三見歲重陽  
劍

匣塵埃滿籠禽日月長身從漁父笑門任崔羅張問疾  
因留客聽吟偶置觴歎時論倚伏懷舊數存亡奈老應  
無計治一作醫愁或有方無過學王績一作勣惟以醉為鄉

問韋山人山甫

身名身事兩蹉跎試就先生問若何從此神仙學得否  
白鬚雖有未為多

送蕭鍊師步虛詞十首卷後以二絕繼之

欲上瀛州臨別時贈君十首步虛詞天仙若愛應相問

可向一作道江州司馬詩

花紙瑤緘松墨字把將天上共誰開  
試呈王母如堪唱發遣雙成更取來

贈李兵馬使

身得貳師餘氣槩家藏都尉舊詩章  
江南別有樓船將燕領虬鬚不姓楊

題遺愛寺前溪松

偃亞長松樹侵臨小石溪  
靜將流水對高共遠峯齊翠

盖烟籠密花幢雪壑低與僧清影坐借鶴穩枝棲筆寫

形難似琴偷韵易迷暑天風撼撼

一作晴 一作靜

夜露一作

兩淒淒獨契一作依為舍閒行遠作蹊棟梁君莫採留

著伴幽棲

廬山草堂夜雨獨宿寄牛二李七庾三十二員

外

丹青攜手三君子白髮垂頭一病翁蘭省花時錦帳下

廬山兩夜草庵中終身膠漆心應在中路雲泥跡不同

惟有無生三昧觀榮枯一照兩成空

聞楊十二新拜省郎遙以詩賀

文昌新入有光輝紫界宮牆白粉闈曉日難人傳漏箭

春風侍女護朝衣雪飄歌句一作曲高難和鶴拂烟霄老

慣飛官職聲名俱入手近來詩客似君稀頃曾有贈楊詩落句云不

用史教詩過好折君官職是聲名今故云俱入手

三月三日懷微之

良時光景長虛擲壯歲風情已闌銷忽憶同為校書日

每年同醉是今朝

贈韋八

辭君歲

一作雖

久見君初白髮驚嗟兩有餘容髻別來今

至此心情料取合何如曾同曲水花亭醉亦共華陽竹  
院居豈料天南相見夜哀猿瘴霧宿匡廬

春江閒步贈張山人

江景又妍和牽愁發浩歌晴沙金屑色春水麴塵波紅  
簇交枝杏青含卷葉荷藉莎憐軟暖愁樹愛婆婆書信



朝賢斷知音野老多相逢不閒語爭奈日長何

春聽琵琶兼簡長孫司戶

四弦不似琵琶聲亂寫真珠細撼鈴指底商風悲颯颯  
舌頭胡語苦醒醒如言都尉思京國似訴明妃厭虜庭  
遷客共君相勸諫春腸易斷不須聽

吳宮辭

一入吳王殿無人覩翠娥樓高時見舞宮靜夜聞歌半  
露冑如雪斜迴臉似波妍媸各有分誰敢妬恩多

送韋侍御量移金州司馬

時予官獨未出

春歡雨露同沾澤  
冬歎風霜獨滿衣  
留滯多時如我少  
遷移好處似君稀  
卧龍雲到須先起  
蟄燕雷驚尚未飛  
莫恨東西溝水別  
滄溟長短擬同歸

自到潯陽生三女子因詮真理用遣妄懷

宦途本自安身拙  
世累由來向老多  
遠謫四年徒已矣  
晚生三女擬如何  
預愁嫁娶真成患  
細念因緣盡是魔  
賴學空王治苦法  
須拋煩惱入頭陀

江西襄常侍以優禮見待又蒙贈詩輒叙鄙誠  
用伸感謝

一從簪笏事金貂每借溫顏故折腰長覺身輕離泥滓  
忽驚手重捧瓊瑤馬因迴顧雖增價桐遇知音已半焦  
他日秉鈞如見念壯心直氣未全銷

自江州司馬授忠州刺史仰荷聖澤聊書鄙誠  
炎瘴拋身遠泥塗索脚難網初鱗撥刺籠久翅摧殘雷  
電頌時令陽和變歲寒遺簪承舊念剖竹授新官鄉覺

前程近心隨外事寬  
生還應有分西笑問長安

除忠州寄謝崔相公

提拔出泥知力竭  
吹噓生翅見情深  
劍鋒缺折難衝斗  
桐尾燒焦豈望琴  
感舊兩行年老淚  
酬恩一寸歲寒心  
忠州好惡何須問  
烏得辭籠不擇林

初除官蒙裴常侍贈鵬銜瑞草緋袍魚袋因謝  
惠貺兼抒離情

新授銅符未著緋  
因君裝束始光輝  
惠深范叔綈袍贈

禁過蘓秦佩印歸魚綴白金隨步躍鵲銜紅綬遶身飛  
明朝戀別朱門淚不敢多垂恐汙衣

洪州逢熊儒登

靖安院裏辜夷

一作新菱

下醉笑狂吟氣最麤莫問別來多

少苦低頭看取白髭鬚

初著刺史緋荅友人見贈

故人安慰善為辭五十專城道未遲徒使花袍紅似火

其如蓬鬢白成

一作如

絲且貪薄俸君應惜不稱衰容我

自知銀印可憐將底用只堪歸舍嚇妻兒

又答賀客

銀章暫假為專城賀客來多嬾起迎似挂緋衫衣架上  
朽株枯竹有何榮

別草堂三絕句

正聽山鳥向陽眠黃紙除書落枕前為感君恩湏暫起  
爐峯不擬住多年

久眠褐被為居士忽挂緋袍作使君身出草堂心不出

廬山未要勒

一作動移文

三間茅舍向山開一帶山泉遶舍迴  
山色泉聲莫惆悵  
三年官滿却歸來

鍾陵餞送

翠幕紅筵高在雲歌鐘一曲萬家聞  
路人指點滕王閣  
看送忠州白使君

潯陽宴別

此後忠州路上作

鞍馬軍城外笙歌祖帳間  
乘潮發湓口帶雪別廬山暮

景牽行色春寒散醉顏共嗟炎瘴地盡室得生還

戲贈戶部李巡官

好去

一作語

民曹李判官少貪公事且謀歡男兒未死爭

能料莫作忠州刺史看

行次夏口先寄李大夫

連山斷處大江流紅旆逶迤鎮上游幕下翱翔秦御史  
軍前奔走漢諸侯曾陪劍履升鸞殿欲謁旌幢入鶴樓  
假著緋袍君莫笑恩深始得向忠州



重贈李大夫

早接清班登玉陛同承別詔直金鑾鳳巢閣上容身穩  
鶴鏤籠中展翅難流落多年應是命量移遠郡未成官  
慚君獨不欺顛顛猶作銀臺舊眼看

對鏡吟

閒看明鏡坐清晨多病姿容半老身誰論情性乖時事  
自想形骸非貴人三殿失恩宜放棄九宮推命合漂淪  
如今所得須甘分腰佩銀龜朱兩輪

江州赴忠州至江陵已來舟中示舍弟五十韻

昔作咸秦客常思江海行  
今來仍盡室此去又專城  
典午猶為韋分憂固是榮  
筭葦州乘送艘牒驛船  
迎共載皆妻子同遊即弟兄  
寧辭浪跡遠且貴賞心并  
雲展帆高挂聽馳擢  
迅征沂流從漢浦循路轉  
荆衡山逐時移色江隨地  
改名風光近東早水木向  
南清夏口烟孤起湘川雨  
半晴日煎紅浪沸月射白  
砂明壯渚寒留鴈南枝暖  
待鶯駢朱桃露萼點翠柳  
含萌亥市魚鹽聚神林

鼓笛鳴壺漿掛葉氣歌曲竹枝聲繫纜憐沙靜垂綸愛  
岸平水滄紅粒稻野茹紫花菁甌汎茶如乳臺黏酒似  
錫膾長抽錦縷藕脆削瓊英容易來千里斯須進一程  
未曾勞氣力漸覺有心情卧穩添春睡行遲帶酒醒忽  
愁牽世網便欲濯塵纓早接文場戰曾爭翰苑盟掉頭  
稱俊造翹足取公卿且昧隨時義徒輸報國誠衆排恩  
易失偏壓勢先傾虎尾憂危切鴻毛性命輕燭蛾誰救  
活一作蠶繭自纏紫歛手辭雙闕回眸望兩京長沙拋

賈誼漳浦卧劉楨鷓鴣鳴還歇蟾蜍破又盈年光同激  
箭鄉思極搖旌潦倒親知笑衰羸舊識驚烏頭因感白  
魚尾為勞頽劍學將何用丹燒竟不成孤舟萍一葉雙  
鬢雪千莖老見人情盡閒思物理精如湯探冷熱似博  
斷輸羸險路應須避迷途莫共爭此心知止足何物要  
經營玉向泥中潔松經雪後貞無妨隱朝市不必謝寰  
瀛但在前非悞期無後患嬰多知非景福少語是元亨  
晦即全身藥明為伐性兵昏昏隨世俗蠢蠢學黎屯鳥

以能言繡龜緣入夢烹知之一何晚猶足保餘生

題岳陽樓

岳陽城下水滂滂獨上危樓倚曲欄春岸綠時連夢澤  
夕波一作陽紅處近長安猿攀樹立啼何苦鴈點湖飛渡  
亦難此地惟堪畫圖障華堂張與貴人看

入峽次巴東

不知遠郡何時到猶喜全家此去同萬里王程三峽外  
百年生計一舟中巫山暮足霑花雨隴水春多逆浪風

兩片紅旌數聲鼓使君樓船下巴東

十年三月三十日別微之於澧上十四年三月  
十一日夜遇微之於峽中停舟夷陵三宿而別  
言不盡者以詩終之因賦七言十七韻以贈且  
欲記一作寄所遇之地與相見之時為他年會話  
張本也

澧水店頭春盡日送君上馬謫通川夷陵峽口明月夜  
此處逢君是偶然一別五年方見面相携三宿未迴船

坐從日暮惟長歎語到天明竟未眠  
齒髮蹉跎將五十  
關河迢遞過三千生涯共寄滄江上  
鄉國俱拋白日邊  
往事渺茫都似夢舊遊流落半歸泉  
醉悲灑淚春杯裏  
吟苦支頤曉燭前莫問龍鍾惡官職  
且聽清脆好文作

詩篇

微之別來有新詩  
數百篇麗絕可愛

別來只是成詩癖老去何曾更

酒顛各限王程湏去住重開離宴貴  
留連黃牛渡北移

征權白狗崖東卷別筵

黃牛白狗皆峽中地名  
即與微之遇別之所也

神女臺

雲閒繚繞使君灘水急潺湲風淒暝  
色愁楊柳月弔宵

聲哭杜鵑萬丈赤幢潭底日一條白練峽中天君還秦  
地辭炎徼我向忠州入瘴烟未死會應相見在又知何  
地復何年

題峽中石上

巫女廟花紅似粉昭君村柳翠於眉誠知老去風情少  
見此爭無一句詩

御  
定全唐詩卷四百四十



欽定四庫全書

御定全唐詩卷四百四十一

白居易

夜入瞿唐峽

瞿唐天下險，夜上信難

一作艱

哉。岸似雙屏合，天如匹帛

練

一作開。逆風驚浪起，拔棹暗船來。欲識愁多少，高於灩澦

澦堆

初到忠州贈李六

一作李大夫

好在天涯李使君  
江頭相見日黃昏  
吏人生梗都如鹿

市井踈蕪

一作蕭疎

只抵村一隻蘭

一作葉

船當驛路

一作步

層石磴上州門更無平地堪行處  
虛受朱輪五馬恩

郡齋暇日憶廬山草堂兼寄二林僧社三十韻

多叙貶官已來出處之意

諫諍知無補遷移分所當不堪

一作能

匡聖主只合事空

王龍象投新社鶴鷺失故行  
沉吟辭北闕誘引向西方

便住雙林寺仍開一草堂  
平治行道路

一作地

安置坐禪

林手版支為枕頭中閣在牆先生烏几爲居士白衣裳

竟歲何曾悶終身不擬忙滅除殘夢想換盡舊心腸世

界多煩惱形神久損傷正從風鼓浪轉作日銷霜

佛經云此

生死無休已如風鼓海浪又云煩惱如霜露慧日能消除吾道尋知止君恩偶未忘

忽蒙頒鳳詔兼謝一作剖魚章蓮靜方依水葵枯重仰

陽三車猶夕會五馬已晨裝去似尋前世來如別故鄉

眉低出鷲嶺脚下地岡廬山岡名漸望廬山遠彌愁峽路

長香爐峯隱隱巴字水茫茫瓢挂留庭一作樹經收在

屋梁春拋紅藥圃夏憶白蓮塘唯一作擬捐塵事將何

答寵光有期追永遠晉時永遠二法師曾居此寺無政繼龔黃南國

秋猶熱西齋夜暫一作漸涼閒吟四句偈靜對一爐香身

老同丘井心空是道場覓僧為去伴留俸作歸糧為報

山中侶憑看竹下房會應歸去在一作住松菊莫教荒

贈康叟

八十秦翁老不歸南賓太守乞寒衣再三憐汝非他意

天寶遺民見漸稀

鸚鵡

竟日語還默中宵棲復驚身囚緣彩翠心苦為分明暮  
起歸巢思春多憶侶聲誰能拆籠破從放快飛鳴

京使回累得南省諸公書因以長句詩寄謝蕭

五劉二元八吳十一韋大陸郎中崔二十二牛

二李七庾三十二李六李十楊三樊大楊十二

員外

雪壓泥埋未死身每勞存問媿交親浮萍飄泊三千里

列宿參差十五人禁月落時君待漏  
畚烟深處我行春瘴鄉得老猶為  
幸豈敢傷嗟白髮新

東城春意

風輕雲不動郡城東  
壯隅晚來春澹澹  
天氣似京都  
弦管隨宜有杯觴  
不道無其如親故  
遠無可共歡娛

木蓮樹生巴峽山谷間  
巴民亦呼為黃心樹  
大者高五丈涉冬不凋  
身如青楊有白文葉如桂  
厚大無脊花如蓮  
香色豔膩皆同獨房藥有異

四月初始開自開迨謝僅二十日忠州西北十  
里有鳴玉谿生者穠茂尤異元和十四年夏命  
道士母丘元志寫惜其遐僻因題三絕句云

如折芙蓉栽一作投旱地似拋芍藥挂高枝雲埋水隔無  
人識惟有南賓太守知

紅似燕支膩如粉傷心好物不須臾山中風起無時節  
明日重來得在無

已愁花落荒叢底復恨根生亂石間幾度欲移移不得

天教拋擲在深山

種桃杏

無論海角與天涯大抵心安即是家  
路遠誰能念鄉曲年深兼欲忘京華  
忠州且作三年計種杏栽桃擬待花

新秋

二毛生鏡日一葉落庭時老去爭由我  
愁來欲泥誰空銷閒歲月不見舊親知  
惟弄扶牀女時時強展眉

龍昌寺荷池



冷碧新秋水殘紅半破蓮從來寥落意不似此池邊

聽竹枝贈李侍御

巴童巫女竹枝歌懊惱何人怨咽多暫聽遣君猶悵望  
長聞教我復如何

寄胡餅與楊萬州

胡麻餅樣學京都麪脆油香新出爐寄與饑饒楊大使  
嘗看得似輔興無

感櫻桃花因招飲客

櫻桃昨夜開如雪鬢髮今年白似霜  
漸覺花前成老醜  
何曾酒後更顛狂誰能聞此來相勸  
共泥春風醉一場

東亭閒望

一作閒坐

東亭盡日坐誰伴寂寥身綠桂

一作樹

為佳客紅蕉當美

人笑言雖不接情狀似相親  
不作一作若悠悠想如何度  
晚春

畫木蓮花圖寄元郎中

花房膩似紅蓮朶豔色鮮如紫牡丹  
惟有詩人能一作應

解愛丹青寫出與君看

和李澧州題韋開州經藏詩

既悟蓮花藏須遺貝葉書菩提無處所文字本空虛觀  
指非知月忘筌是得魚聞君登彼岸捨筏復何如

九日題塗溪

蕃一作看草席鋪楓葉岸竹枝歌送菊花杯明年尚作一作  
任南賓守或可重陽更一來

即事寄微之

畚田澀米不耕鋤旱地荒園少菜蔬想念

一本缺土風一作此

今若此料看生計合何如衣縫紕類黃絲絹飯下腥鹹  
白小魚飽暖饑寒何足道此身長短是空虛

題郡中荔枝詩十八韵兼寄萬州楊八使君

奇果標南土芳林對北堂素華春漠漠丹寔夏煌煌葉  
捧低垂戶枝擎重疊牆始因風弄色漸與日爭光夕訝  
條懸火朝驚樹點妝深於紅躑躅大校白榴椰星綴連  
心朶珠排耀眼房紫羅裁襯殼白玉裹填韞早歲曾聞

說今朝始摘嘗嚼疑天上味嗅異世間香潤勝蓮生水  
鮮逾橘得霜燕支掌中顆甘露舌頭漿物少尤珍重天  
高苦渺茫已教生暑月又使阻遐方粹液靈難駐妍姿  
嫩易傷近南光景熱向北道途長不得充王賦無由寄  
帝鄉唯君堪擲贈面白似潘郎

留壯客

峽外相逢遠樽前一會難即須分手別且強展眉歡楚  
袖蕭條舞巴絃趣數

從速反

彈笙歌隨分有莫作帝鄉看

重寄荔枝與楊使君時聞楊使君欲種植故有  
落句之戲

摘來正帶凌晨露寄去須憑下水船映我緋衫渾不見  
對公銀印最相鮮香連翠葉真堪畫紅透青籠實可憐  
聞道萬州方欲種愁君得喫是何年

和萬州楊使君四絕句

競渡

競渡相傳為汨羅不能止過意無他自經放逐來顛顛

能校靈均死幾多

江邊草

聞君澤畔傷春草憶在天門街裏時  
漠漠淒淒愁一作秋

滿眼就中惆悵是江蘼

嘉慶李

東都綠李萬州栽君手封題我手開  
把得欲嘗先悵望與渠同別故鄉來

白槿花

秋薜晚英無豔色何因栽種在人家使君自一作別羅  
敷面爭解回頭愛白花

和行簡望郡南山

反照前山雲樹明從君苦道似華清試聽腸斷巴猿叫  
早晚驪山有此聲

種荔枝

紅穎珍真一作珠誠可愛白鬚太守亦何癡十年結子知

誰在自向庭中一作種荔枝



陰雨

嵐霧今朝重江山此地深灘聲秋更急峽氣曉多陰望  
闌雲遮眼思鄉雨

一作  
淚

滴心將何慰幽獨賴此北窗琴

送客歸京

水陸四千里何時歸到秦舟辭三峽雨馬入九衢塵有  
酒留行客無書寄貴人唯憑遠傳語好在曲江春

送蕭處士遊黔南

能文好飲老蕭郎身似浮雲鬢似霜生計拋來詩是業

家園忘却酒為鄉江從巴峽初成字猿過巫陽始斷腸  
不醉黔中爭去得磨圍山月正蒼蒼

東樓醉

天涯深峽無人地歲暮窮陰欲夜天不向東樓時一醉  
如何擬過二三年

寄微之

時微之為  
虢州司馬

高天默默物茫茫各有來由致損傷鸚為能言長剪翅  
龜緣難死久搯林莫嫌冷落拋閒地猶勝炎蒸卧瘴鄉

外物竟闕身底事謾排門戟繫腰章

東樓招客夜飲

莫辭數數醉東樓除醉無因破得愁  
唯有綠樽紅燭下暫時不似在忠州

醉後戲題

自知清冷似冬凌每被人呼作律僧  
今夜酒醺羅綺暖被君融盡玉壺冰

冬至夜

老去襟懷常濩落，病來鬢髮轉蒼浪。  
心灰不及爐中火，鬢雪多于砌下霜。  
三峽南賓城最遠，一年冬至夜偏長。  
今宵始覺房櫳冷，坐索寒衣託一作孟光託

竹枝詞四首

瞿唐峽口水一作冷烟低，白帝城頭月向西。  
唱到竹枝聲

咽處，寒猿閤鳥一時啼。

竹枝苦怨怨何人，夜靜山空歇又聞。  
蠻兒巴女齊聲唱

愁殺江樓一作南病使君

巴東船舫上巴西波面風生兩脚齊  
水蓼冷花紅簇簇  
江蘼濕葉碧淒淒

江畔誰人唱竹枝前聲斷咽後聲遲  
怪來調苦緣詞苦  
多是通州司馬詩

酬嚴中丞晚眺黔江見寄

江水三迴曲愁人兩地情  
磨圍山下色明月峽中聲  
晚後連天碧秋來徹底清  
臨流有新恨照見白鬚生

寄題揚萬州四望樓

江上新樓名四望，東西南北水茫茫。  
無由得與君携手，同凭欄干一望鄉。

荅楊使君登樓見憶

忠萬樓中南北望，南州烟水北州雲。  
兩州何事偏相憶，各是籠禽作使君。

除夜

歲暮紛多思，天涯渺未歸。  
老添新甲子，病減舊容輝。  
鄉國仍留念，功名已息機。  
明朝四十九，應轉悟前非。

聞雷

瘴地風霜早，溫天氣候催。  
窮冬不見雪，正月已聞雷。  
震蟄蟲蛇出，驚枯草木開。  
空餘客方寸，依舊似寒灰。

春至

若為南國春，還至爭向東。  
樓日又長白，片落梅浮澗水。  
黃梢新柳出，城牆閒拈蕉葉題。  
詩悶取藤枝引酒嘗。  
樂事漸無身漸老，從今始擬負風光。

感春

巫峽中心郡巴城四面春  
草青臨水地頭白見花人憂  
喜皆心火柴枯是眼塵除非  
一杯酒何物更關身

春江

炎涼昏曉苦推遷不覺忠州已  
二年閉閣只聽朝暮鼓  
上樓空望往來船鶯聲誘引來  
花下草色勾留坐水邊  
唯有春江看未厭紫砂遠石  
渌潺湲

題東樓前李使君所種櫻桃花

身入青雲無見日手栽紅樹  
又逢春惟留花向樓前著



一作  
看故故拋愁與後人

巴水

城下巴江水春來似麴塵軟沙如渭曲斜岸憶天津影  
蘸新黃柳香浮小白蘋臨流搔首坐惆悵為何人

野行

草潤衫襟重沙乾屐齒輕仰頭聽鳥立信脚望花行暇  
日無公事哀年有道情浮生短於夢夢裏莫營營

送高侍御使迴因寄楊八

明月峽邊逢制使黃茅岸上是忠州到城莫說忠州惡  
無益虛教揚八愁

奉酬李相公見示絕句

時初聞國喪

碧油幢下捧新詩榮賤雖殊共一悲涕淚滿襟君莫怪  
甘泉侍從最多時

喜山石榴花開

去年自廬山移來

忠州州裏今日花廬山山頭去時樹已憐根損斬新栽  
還喜花開依舊數赤玉何人少琴軫紅繡誰家合羅袴

但知爛熳恣情開，莫怕南賓桃李妬。

戲贈蕭處士清禪師

三杯鬼我忘機客，百衲頭陀任運僧。又有放慵巴郡守，不營一事共騰騰。

錢璠州以三堂絕句見寄，因以本韻和之。

同事空王歲月深，相思遠寄定中吟。遙知清淨中和化，

祇用金剛三昧心。

予早歲與錢君同習讀金剛三昧經，故云。

三月三日

暮春風景初三日流世光陰半百年欲作閒遊無好伴  
半江惆悵却回船

寒食夜

四十九年身老日一百五夜月明天抱膝思量何事在  
癡男騃一作癡女喚鞦韆

代州民問

龍昌寺底開山路巴子臺前種柳林官職家鄉都忘却  
誰人會得使君心

荅州民

宦情斗擻隨塵去鄉思銷磨逐日無  
惟擬騰騰作閒事  
遮渠不道使君愚

荔枝樓對酒

荔枝新熟雞冠色燒酒初開琥珀香  
欲摘一枝傾一醖  
西樓無客共誰嘗

房家夜宴喜雪戲贈主人

風頭向夜利如刀  
賴此溫爐軟錦袍  
柔落氣薰珠翠暖

柘枝聲引管弦高酒鈞送醖推蓮子燭淚黏盤壘蒲萄  
不醉遣儂爭散得門前雪片似鵝毛

醉後贈人

香球趁拍回環匝花醖拋巡取次飛自入春來未一作不

同醉那能夜去獨先歸

初除尚書郎脫刺史緋

親賓相賀問何如服色恩光盡反初頭白喜拋黃草峽  
眼明驚拆紫泥書便留朱紱還鈴閣却著青袍侍玉除

無奈嬌癡三歲女繞腰啼哭覓金

銀一作魚

留題開元寺上方

東寺臺閣好上方風景清數來猶未厭長別豈無情戀  
水多臨坐辭花剝繞行最憐新岸柳手種未全成

別種東坡花樹兩絕

三年留滯在江城草樹禽魚盡有情何處殷勤重回首  
東坡桃李種新成

花林好住莫顛顛春至但知依舊春樓上明年新太守

不妨還是愛花人

別橋上竹

穿橋迸竹不依行  
恐礙行人被損傷  
我去自慙遺愛少  
不教君得似甘棠

發白狗峽次黃牛峽登高寺却望忠州

白狗次黃牛灘如竹節  
稠路穿天地險人續  
古今愁忽見千花塔  
因傳一葉舟畏途常  
迫促靜境暫淹留  
巴曲春全盡巫陽雨  
半收壯歸雖引領南  
望亦回頭昔去悲



殊俗今來念舊遊  
別僧山北寺  
拋竹水西樓  
郡樹花如雪  
軍廚酒似油  
時時大開口  
自笑憶忠州

棣華驛見楊八題夢兄弟詩

遙聞旅宿夢兄弟  
應為郵亭名  
棣華名作棣華來  
早晚自題詩  
後屬楊家

商山路有感

萬里路一作途  
長在六年身  
始歸所經多  
舊館大半主人

非

商山路驛桐樹昔與微之前後題名處

與君前後多遷謫五度經過此路隅笑問中庭老桐樹  
這回歸去免來無

惻惻吟

惻惻復惻惻逐臣返鄉國前事難重論少年不再得泥  
塗絳老頭班白炎瘴靈均面黎黑六年不死却歸來道  
著姓名人不識

德宗皇帝挽歌詞四首

執象宗玄祖貽謀啓孝孫文高柏梁殿禮薄霸陵原宮  
仗辭天闕朝儀出國門生成不可報二十七年恩

虞帝南巡後殷宗諒闇中初辭鑄鼎地已閉望仙宮曉  
落當陵月秋生滿旆風前星承帝座不使北辰空

業大承宗祖功成付子孫睿文詩播樂遺訓史標言節  
表中和德方垂廣利恩懸知千載後理代數貞元

夢減三齡壽哀延七月期寢園愁望遠宮仗哭行遲雲  
日添寒慘笳簫向晚悲因山有遺詔如奠漢文時

昭德皇后挽歌詞

仙去逍遙境詩留窈窕章春歸金屋少夜入壽宮長鳳  
引曾辭輦蠶休昔採桑陰何處感沙麓月無光

太平樂詞二首

已下七首在翰林院時奉勅撰進

歲豐仍節儉時泰更銷兵聖念長如此何憂不太平  
湛露浮堯酒薰風起舜歌願同堯舜意所樂在人和

小曲新詞二首

霽色鮮宮殿秋聲脆管弦聖明千歲樂歲歲似今年

紅裾一作明月夜碧簾早秋時好向昭陽宿天涼玉漏

遲

閨怨詞三首

朝憎鶯百轉夜妬燕雙棲不慣經春別誰知到曉啼  
珠箔籠寒月紗牕背曉燈夜來巾上淚一半是春冰  
關山征戍遠閨閣別離難苦戰應顛顛寒衣不要寬

殘春曲

禁中  
口號

禁苑殘鶯三四聲景遲風慢暮春情日西無事牆陰下

閒蹋宮花獨自行

一作吟

長安春

青門柳枝軟無力東風吹作黃金色  
街東酒薄醉易醒  
滿眼春愁銷不得

長樂坡送人賦得愁

一下有字字

行人南北分征路流水東西接御溝  
終日坡前恨離別  
謾名長樂是長愁

獨眠吟二首

夜長無睡起階前  
寥落星河欲曙一作曉  
天十五年來明

月夜何曾一夜不孤眠

獨眠客夜夜可憐  
長寂寂就中今夜最愁人  
涼月清風滿牀席

期不至

紅燭青樽久延佇  
出門入門天欲曙  
星稀月落竟不來  
烟柳朧朧鵲飛去

長洲苑

春入長洲草又生  
鷓鴣飛起少人行  
年深不辨娃宮處  
夜夜蘼臺空月明

憶江柳

曾栽楊柳江南岸  
一別江南兩度春  
遙憶青青江岸上  
不知攀折是何人

南浦別

南浦淒淒別西風  
嫋嫋秋一看腸一斷  
好去莫回頭

三年別



悠悠一別已三年相望相思明月天腸斷青天望明月  
別來三十六回圓

傷春詞

深淺簷花千萬枝碧紗窗外轉黃鸝殘妝含淚下簾坐  
盡日傷春春不知

後宮詞

淚濕一作盡羅巾夢不成夜深前殿按歌聲紅顏未老恩  
先斷斜倚薰籠坐到明



御定全唐詩卷四百四十一

欽定四庫全書

集部  
御定全唐詩卷四百四十二

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陳墉

謄錄監生臣彭良箴

欽定四庫全書

御定全唐詩卷四百四十二

白居易

吟元郎中白鬚詩兼飲雪水茶因題壁上

吟詠霜毛句閒嘗雪水茶城中展眉處只是有元家

吳七郎中山人待制班中偶贈絕句

金馬東門隻日開漢庭待詔重仙才第三松樹非華表  
那得遼東鶴下來

和張十八祕書謝裴相公寄馬

齒齋臙

一作臙

足毛頭膩祕閣張郎

一作家

叱撥駒洗了頷

花翻假錦走時蹄汗蹋真珠青衫乍見曾驚否紅粟難  
賒得飽無丞相寄來應有意遣君騎去上雲衢

答山侶

頷下髭鬚半是絲光陰向後幾多時非無解挂簪纓意  
未有支持伏臘資冒熱衝寒徒自取隨行逐隊欲何為  
更慙山侶頻傳語五十歸來道未遲

早朝思退居

霜嚴月苦欲明天  
忽憶閒居思浩然  
自問寒燈夜半起  
何如暖被日高眠  
惟慙老病披朝服  
莫慮饑寒計俸錢  
隨有隨無且歸去  
擬求豐足是何年

曲江亭晚望

曲江岸北凭欄干  
水面陰生日脚殘  
塵路行多綠袍故  
風亭立久白鬚寒  
詩成闌著閒心記  
山好遙偷病眼看  
不被馬前提省印  
何人信道是郎官

初除主客郎中知制誥與王十一李七元九三  
舍人中書同宿話舊感懷

閒宵靜話

一作喜還悲聚散窮通不自知已分雲泥行

異路忽驚鷄鶴宿同枝紫垣曹署榮華地白髮郎官老  
醜時莫怪不如君氣味此中來校十年遲

西省對花憶忠州東坡新花樹因寄題東樓

每看闕下丹青樹不忘天邊錦繡林西掖垣中今日眼  
南賓樓上去年心花會春意無分別物感人情有淺深

最憶東坡紅爛熳野桃山杏水林擒

寄題忠州小樓桃花

再遊巫峽知何日總是秦人說向誰長憶小樓風月夜  
紅欄干上一作外兩三枝

中書連直寒食不歸因懷一作憶元九

去歲清明日南巴古郡樓今年寒食夜西省鳳池頭併  
上新人直難隨舊伴遊誠知視草貴未免對花愁鬢髮  
莖莖白光陰寸寸流經春不同宿何異在忠州



春憶二林寺舊遊因寄朗滿晦三上人

一別東林三度春每春常似憶情親  
頭陀會裏為逋客供奉班中作老臣  
清淨久辭香火伴塵勞難索幻泡身

最慚僧社題橋

一作牆  
又作名

處十八人名

一作中

空去一人

和元少尹新授官

官穩身應泰春風信馬行縱忙無苦事  
雖病有心情厚祿兒孫飽前驅  
道路榮花時八入

一作十

直無暇賀元兄

朝回和元少尹絕句

朝客朝回望好畫  
紆朱紫佩金銀  
此時獨與君為伴  
馬上青袍唯兩人

重和元少尹

鳳閣舍人京亞尹  
白頭俱未著緋衫  
南宮起請無消息  
朝散何時得入銜

中書夜直夢忠州

閣下燈前夢巴南城裏  
一作底遊覓花來渡口  
尋寺到山頭  
江色分明綠猿聲依舊  
愁禁鐘驚睡覺唯不上東樓

醉後

酒後高歌且放狂，門前閒事莫思量。  
猶嫌小戶長先醒，不得多時住醉鄉。

待漏入閣書事奉贈元九學士閣老

衙排宣政仗，門啓紫宸闕。  
彩筆傳書命，一作几花甌趣立

班。稀星點銀磔，殘月墮金環。  
一作鏤暗漏猶傳水，明河漸

下山。從東分地色，向北仰天顏。  
碧縷爐烟直，紅垂佩作

旖尾閒。綸闈一作悒慚並入翰苑，忝先攀笑我青袍故僬

君苗

一作紫

綬殷詩仙歸洞裏酒病滯人間好去駕鸞侶

沖天便不還

晚春重到集賢院

官曹清切非人境風月鮮明是

一作似

洞天滿砌荆花鋪

紫琰隔牆榆莢撒青錢前時謫去三千里此地辭來十

四年虛薄至今慚舊職院

一作殿

名擡舉號為賢

紫微花

絲綸閣下文書靜鐘鼓樓中刻漏長獨坐黃昏誰是伴

紫薇花對紫微郎

後宮詞

雨露由來一點恩，爭能徧布及千門。  
三千宮女胭脂面，幾個春來無淚痕。

卜居

遊宦京都二十春，貧中無處可安貧。  
長羨蝸牛猶有舍，不如碩鼠解藏身。  
且求容立錐頭地，免似漂流木偶人。  
但道吾廬心便足，敢辭湫隘與囂塵。

題新居寄元八

青龍岡北近西邊移入新居便泰然  
冷巷閉門無客到  
暖簷移榻向陽眠  
階庭一作寬窄纔容足  
牆壁高低麓  
及肩莫羨昇平元  
八宅自思買用幾多錢

登龍尾道南望憶廬山舊隱

龍尾道邊來一望  
香爐峯下去無因  
青山舉眼三千里  
白髮平頭五十人  
自笑形骸紆組綬  
將何言語掌絲綸  
君恩壯健猶難報  
况被年年老逼身

馮閣老處見與嚴郎中酬和詩因戲贈絕句

乍來天上宜清淨不用回頭望故山縱有舊遊君莫憶  
塵心起即墮人間

見于給事暇日上直寄南省諸郎官詩因以戲

贈

倚作天仙弄地仙誇張一日抵千年黃麻勅勝長生籙

白紵詞嫌內景篇雲彩誤

一作雪貌莫

居青瑣地風流合在

紫微天東曹漸去西垣近鶴駕無妨更著鞭

題新昌所居

宅小人煩悶

惱一作

泥深馬鈍頑街東閒處住日午熱時

還院窄難栽竹牆高不見山唯應方寸內此地覓

一作

寬閒

西省北院新構小亭種竹開窗東通騎省與李

常侍隔窗小飲各題四韻

結託白鬚伴因依青竹叢題詩新壁上過酒小窗中深  
院晚無日虛蒼涼有風金貂醉看好回首紫垣東



酬元郎中同制加朝散大夫書懷見贈

命服雖同黃紙上官班不共紫垣前青衫脫早差三日  
白髮生遲校九年曩者定交非勢利老來同病是詩篇  
終身擬作卧雲伴逐月須收燒藥錢五品足為婚嫁主  
緋袍着了好歸田

初着緋戲贈元九

晚遇緣才拙先衰被病牽那知垂白日始是著緋年身  
外名徒爾人間事偶然我朱君紫綬猶未得差肩

和韓侍郎苦雨

潤氣凝柱礎繁聲注瓦溝  
閣留窗不曉涼引輦先秋葉  
濕蠶應病泥稀燕亦愁  
仍聞放朝夜誤出到街頭

連雨

風雨閤蕭蕭雞鳴暮復朝  
碎聲籠苦竹冷翠落芭蕉  
水鳥投簷宿泥蛙入戶  
跳仍聞蕃客見明日欲追朝

初加朝散大夫又轉上柱國

紫微今日烟霄地赤嶺前年泥土身  
得水魚還動鱗鬣

乘軒鶴亦長精神且慙身忝官階貴未敢家嫌活計貧  
柱國勲成私自問有何功德及生人

行簡初授拾遺同早朝入閣因示十二韻

夜色尚蒼蒼槐陰夾路長聽鐘出長樂傳鼓到新昌宿  
雨沙隄潤秋風樺燭香馬驕欺地軟人健得天涼待漏  
排闥闔停珂擁建章爾隨黃閣老吾次紫微郎並入連  
稱籍齊趨對折方鬪班花接萼綽立鴈分行近職誠為  
美微才豈合當綸言難下筆諫紙易盈箱老去何僥倖

時來不料量唯求殺一作致身地相誓答恩光

立秋日登樂遊園

獨行獨語曲江頭  
回馬遲遲上樂遊  
蕭颯涼風與衰鬢

誰教計一作同會一時秋

新秋早起有懷元少尹

秋來轉覺此身衰  
晨起臨階盥漱時  
漆匣鏡明頭盡白  
銅瓶水冷齒先知  
光陰縱惜難留住  
官職雖榮得已遲  
老去相逢無別計  
強開笑口展愁眉

夜筇

紫袖紅弦明月中自彈自感閣低容  
弦凝指咽聲停處  
別有深情一萬重

妻初授邑號告身

弘農舊縣授新封鈿軸金泥誥一通  
我轉官階常自愧  
君加邑號有何功  
花箋印了排窠濕錦標  
裝來耀手紅  
倚得身名便慵墮  
日高猶睡綠牕中

送客南遷

我說南中事君應不願聽曾經身困苦不覺語叮嚀燒  
去處愁雲夢波時憶洞庭春畚烟勃勃秋瘴露冥冥蚊  
蚋經冬活魚龍欲雨腥水蟲能射影山鬼解藏形穴掉  
巴蛇尾林飄鶴鳥翎颼風千里黑蕪草四時青客似驚  
弦鷹舟如委浪萍誰人勸言笑何計慰飄零慎勿琴離  
膝長須酒滿瓶大都從此去宜醉不宜醒

暮歸

不覺百年半何曾一日閒朝隨燭影出暮趁鼓聲還甕

裏非無酒牆頭亦有山歸來長困卧早晚得開顏

寄遠

欲忘忘未得欲去去無由兩腋不生翅二毛空滿頭坐  
看新落葉行上最高樓暝色無邊際茫茫盡眼愁

舊房

遠一作遠 壁秋聲蟲絡絲入簷新影月低眉牀帷半故簾  
旌斷仍是初寒欲夜時

錢侍郎使君以題廬山草堂詩見寄因酬之

殷勤江郡守，悵望掖垣郎。  
慙見新瓊什，思歸舊草堂。  
隨心未得名，與道相妨。  
若不休官去，人間到老忙。

寄山僧

時年五十

眼看過半百，早晚掃巖扉。  
白首誰能一作留住，青山自不

歸。百千萬劫障，四十九年非。  
會擬抽身去，當一作東風斗

擲衣。

慈恩寺有感

時杓直初逝  
居敬方病

自問有何惆悵事，寺門臨入却遲迴。  
李家哭泣元家病。



柿葉紅時獨自來

酬嚴十八郎中見示

口厭含香握麝蘭紫微青瑣舉頭看忽驚鬢後蒼浪髮  
未得心中本分官夜酌滿容花色暖秋吟切骨玉聲寒  
承明長短君應入莫憶家江七里灘

寄王秘書

霜菊花萎日風梧葉碎時怪來秋思苦綠詠秘書詩

中書寓直

一作中書直堂

繚繞宮牆圍禁林

一作苑

半開閭闔曉沈沈  
天晴更覺南

山近月出方知西掖深  
病對詞頭慚彩筆  
老看鏡面媿華簪  
自嫌野物將何用  
土木形骸麋鹿心

自問

黑花滿眼絲滿頭  
早衰因病病因愁  
宦途氣味已諳盡  
五十不休何日休

曲江獨行招張十八

曲江新歲後  
冰與水相和  
南岸猶殘雪  
東風未有波  
偶

遊身獨自相憶意如何莫待春深去花時鞍馬多

新居早春二首

靜巷無來客深居不出門鋪沙蓋苔面掃雪擁松根漸  
暖宜閒步初晴愛小園覓花都未有唯覺樹枝繁  
地潤東風暖閒行蹋草芽呼童遣移竹留客伴嘗茶雷  
滴簷冰盡塵浮隙日斜新居未曾到鄰里是誰家

新昌新居書事四十韻因寄元郎中張博士

冒寵已三遷歸朝始二年囊中貯餘俸園外買閒田狐

兔同三迳蒿萊共一壥新園聊刻穢舊屋且扶顛簷漏  
移傾瓦梁歌換壺椽平治遶臺路整頓近階甃巷狹開  
容駕牆低壘過肩門閭堪駐蓋堂室可鋪筵丹鳳樓當  
後青龍寺在前市街塵不到宮樹影相連省吏嫌坊遠  
豪家笑地偏敢勞賓客訪或望子孫傳不覓他人愛唯  
將自性便等閒栽樹木隨分占風烟逸致因心得幽期  
遇境牽松聲疑澗底草色勝河邊虛潤冰銷地晴和日  
出天苔行滑如簞莎坐軟於綿簾每當山卷帷多帶月

褰籬東花掩映牕北竹嬋娟跡慕青門隱名慚紫禁仙  
假歸思晚沐朝去戀春眠拙薄才無取踈慵職不專題  
牆書命筆沽酒率分錢柏杵春靈藥銅瓶漱暖泉爐香  
穿蓋散籠燭隔紗然陳室何曾掃陶琴不要弦屏除俗  
事盡養活道情全尚有妻孥累猶為組綬纏終須拋爵  
祿漸擬斷腥羶大抵宗莊叟私心事竺乾浮榮水割字  
真諦火生蓮梵部經十二玄書字五千是非都付夢語  
默不妨禪博士官猶冷郎中病已痊多同僻處住久結

靜中緣緩步携筇杖徐吟展蜀箋老宜閒語話悶憶好  
詩篇蠻榼來方瀉蒙茶到始煎無辭數相見鬚髮各蒼  
然

喜敏中及第偶示所懷

自知羣從為儒少豈料詞場中第頻桂折一枝先許我  
揚穿三葉盡驚人

始予進士及第行簡  
次之敏中又次之

轉於文墨須留

意貴向烟霄早致身莫學爾兄年五十蹉跎始得掌絲

綸

久不見韓侍郎戲題四韻以寄之

近來韓閣老踈我我心知戶大嫌甜酒才高笑小詩靜

吟乖一作乘月夜閒醉曠花時還有愁同處春風滿鬢絲

寄白頭陀

近見頭陀伴云師老更慵性靈閒似鶴顏狀古於松山  
裏猶難覓人間豈易逢仍聞移住處太白最高峰

和韓侍郎題揚舍人林池見寄

渠水暗流春凍解風吹日炙不成凝鳳池冷暖君諳在

二月因何更有冰

勤政樓西老柳

半朽臨風樹多情立馬人開元一株柳長慶二年春

偶題閣下廳

靜愛青苔院深宜白鬢翁貌將松共瘦心與竹俱空暖  
有低簷日春多颺幕風平生閒境界一作思畫在五言中

予與故刑部李侍郎早結道友以藥術為事與  
故京兆元尹晚為詩侶有林泉之期周歲之間



二君長逝李住曲江北元居昇平西追感舊遊  
因貽同志

從哭李來傷道氣自亡元後減詩情金丹同學都無益  
水竹鄰居竟不成月夜若為遊曲水花時那忍到昇平  
如年七十身猶在但恐傷心無處行

送馮

馬一作

舍人閻老往襄陽

紫微閣底送君回第二一作廳簾下不開莫戀漢南風  
景好峴山花盡早歸來

莫走柳條詞送別

一本無莫  
走二字

南陌傷心別東風滿把春莫欺楊柳弱勸酒勝於人

酬韓侍郎張博士雨後遊曲江見寄

小園新種紅櫻樹閒逸花行便當遊何必更隨鞍馬隊  
衝泥蹋雨曲江頭

元家花

今日元家宅櫻桃發幾枝稀稠與顏色一似去年時失  
却東園主春風可得知

代人贈王員外

好在王員外平生記得不共賒  
黃叟酒同上莫愁樓靜  
接殷勤語狂隨爛熳遊  
那知今日眼相見冷於秋

惜小園花

曉來紅萼凋零盡但見空枝四五株  
前日狂風昨夜雨  
殘芳更合得存無

蕭相公宅遇自遠禪師有感而贈

官途堪笑不勝勞一作悲  
昨日榮華今日衰  
轉似秋蓬無

定處長於春夢幾多時半頭白髮慚蕭相滿面紅塵問  
遠師應是世間緣未盡欲拋官去尚遲疑

草詞畢遇芍藥初開因詠小謝紅藥當階翻詩  
以為一句未盡其狀偶成十六韻

罷草紫泥詔起吟紅藥詩詞頭封送後花口拆開時坐  
對鈎簾久行觀步履遲兩三叢爛熳十二葉參差背日  
房微欽當階朶旋歌釵葶抽碧股粉藥撲黃絲動蕩情  
無限低斜力不支周迴看未足比諭語難為勾漏丹砂

裏焦僥火燄旗彤雲臍根蒂絳幘欠纓綫况有晴風度  
仍兼宿露垂疑香薰罨畫似淚着胭脂有意留連我無  
言怨思誰應愁明日落如恨隔年期菡萏泥連萼玫瑰  
刺繞枝等量無勝者唯眼與心知

喜張十八博士除水部員外郎

老何歿後吟聲絕雖有郎官不愛詩無復篇章傳道路  
空留風月在曹司長嗟博士官猶屈亦恐騷人道漸衰  
今日聞君除水部喜於身得省郎時

與沈揚二舍人閣老同食勅賜櫻桃翫物感恩

因成十四韻

清晚趨丹禁紅櫻降紫宸  
驅禽養得熟和葉摘來新  
圓轉盤傾玉鮮明籠透銀  
內園題兩字西掖賜三臣  
熒惑晶華赤醞醕氣味真  
如珠未穿孔似火不燒人  
杏俗難為對桃頑詎可倫  
肉嫌盧橘厚皮笑荔枝皴  
瓊液酸甜足金丸大小勻  
偷須防曼倩惜莫擲安仁  
手擘纔離核匙抄半是津  
甘為舌上露暖作腹中春  
已懼長尸祿仍

驚數食珍最慚恩未報飽餒不才身

送嚴大夫赴桂州

地壓坤方重官兼憲府雄桂林無瘴氣柏署有清風山  
水衙門外旌旗樓艦中大夫應絕席詩酒與誰同

春夜宿直

三月十四夜西垣東北廊碧梧葉重疊紅藥樹低昂月  
砌漏幽影風簾飄閣香禁中無宿客誰伴紫微郎

夏夜宿直

人少庭宇曠夜涼風露清槐花滿院氣松子落階聲寂  
寞一作點挑燈坐沈吟蹋月行年哀自無趣不是厭承明

七言十二句贈駕部吳郎中七兄

時早夏朝歸  
閑齋獨處偶

什題此

四月天氣和且清綠槐陰合沙隄平獨騎善馬銜鐙穩  
初著單衣肢體輕退朝下直少徒侶歸舍閉門無送迎  
風生竹夜牕間卧月照松時臺上行春酒冷嘗三數醞  
曉琴閒弄十餘聲幽懷靜境何人別唯有南宮老駕兄



玉真張觀主下小女冠阿容

綽約小天仙生來十六年姑山半峰雪瑤水一枝蓮晚  
院花留立春牕月伴眠迴眸雖欲語阿母在傍邊

龍花寺主家小尼

郭代公愛姬薛氏幼嘗為尼小名仙人子

頭青眉眼細十四女沙彌夜靜雙林怕春深一食饑步  
慵行道困起晚誦經遲應似仙人子花宮未嫁時

訪陳二

曉垂朱綬帶晚着白綸巾出去為朝客歸來是野人兩

殮聊過日一榻足容身此外皆閒事時時訪老陳

晚亭逐涼

送客出門後移牀下砌初趨涼行繞竹引睡卧看書老  
更為官拙慵多向事疎松窗倚藤杖人道似僧居

曲江憶李十一

李君歿後共誰遊柳岸荷亭兩度秋獨繞曲江行一匝  
依前還立水邊愁

江亭翫春

江亭乘曉閱衆芳春妍景麗草樹光日銷石桂綠嵐氣  
風墜木蘭紅露漿水蒲漸展書帶葉山榴半含琴軫房  
何物春風吹不變愁人依舊鬢蒼蒼

聞夜砧

誰家思婦秋擣帛月苦風淒砧杵悲八月九月正長夜  
千聲萬聲無了時應到天明頭盡白一聲添得一莖絲

板橋路

梁苑城西二十里一渠春水柳千條若為此路今重過

十五年前舊板橋曾共玉顏橋上別不知消息到今朝

青門柳

青青一樹傷心色曾入幾人離恨中為近都門多送別  
長條折盡減春風

梨園弟子

白頭垂淚話梨園五十年前雨露恩莫問華清今日事  
滿山紅葉鎖宮門

暮江吟

一道殘陽鋪水中半江瑟瑟半江紅  
可憐九月初三夜  
露似真珠月似弓

思婦眉

春風搖蕩自東來折盡櫻桃綻盡梅  
惟餘思婦愁眉結  
無限春風吹不開

怨詞

奪寵心那慣尋思倚殿門  
不知移舊愛何處作新恩

空一作寒 閨怨

寒月沈沈洞房靜  
真珠簾外梧桐影  
秋霜欲下手先知  
燈底裁縫剪刀冷

秋房夜

雲露青天月漏光  
中庭立久却歸房  
水窗席冷未能卧  
挑盡殘燈秋夜長

採蓮曲

菱葉縈波荷颭風  
水一作荷花深處小船通  
逢郎欲語低

頭笑碧玉搔頭落水中

鄰女

娉婷十五勝天仙  
白日姮娥早地蓮  
何處閒教鸚鵡語  
碧紗窗下繡牀前

閨婦

斜凭繡牀愁不動  
紅綃帶緩綠鬟低  
遼陽春盡無消息  
夜合花前日又西

移牡丹栽

金錢買得牡丹栽  
何處辭叢別主來  
紅芳堪惜還堪恨

百處移將百處開

聽夜箏有感

江州去日聽箏夜白髮新生不願聞如今格一作是頭况  
成雪彈到天明亦任君

代謝好妓荅崔員外

謝好妓也

青娥小謝娘白髮老崔郎謾愛胸前雪其如頭上霜別  
後曹家碑背上思量好字斷君腸

琵琶



弦清撥刺語錚錚背却殘燈就月明  
賴是心無惆悵事不然爭奈子弦聲

和殷協律琴思

秋水蓮冠春草裙依稀風調似文君  
煩君玉指分明語知是琴心佯不聞

寄李蘓州兼示楊瓊

真娘墓頭春草碧心奴鬢上秋霜白  
為問蘓臺酒席中使君歌笑與誰同  
就中猶有楊瓊在堪上東山伴謝公

聽彈湘妃怨

玉軫朱絃瑟瑟徽吳娃徵調奏湘妃分明曲裏愁雲雨

似道蕭蕭郎不歸

江南新詞有云暮  
雨蕭蕭郎不歸

閒坐

暖擁紅爐火閒搔白髮頭百年慵裏過萬事醉中休有  
室同摩詰無見比鄧攸莫論身在日身後亦無憂

不睡

燄短寒缸盡聲長曉漏遲年哀自無睡不是守三尸

御定全唐詩卷四百四十二